

Pada bulan Jun 1961 perjanjian tahun 1899 dengan British dibatalkan dan Kuwait menjadi sebuah negara merdeka yang berdaulat. Pada bulan Disember 1961 pilihan raya diadakan kerana melantik 20 orang Ahli Majlis kerana membuat Undang-undang Tubuh. Di bawah perlembagaan ini sebuah Majlis Kebangsaan dibentuk dengan melantik 50 orang ahli. Pada tahun 1963 ahli-ahli itu telah dipilih. Jemaah Menteri Kuwait dilantik dan Amirnya yang ada Sekarang, Doktor Sabah al-Salam al-Sabah, selain dari Putra Mahkota dilantik menjadi Perdana Menteri. Pada 14 Mei 1963 Kuwait telah menjadi ahli Bangsa-Bangsa Bersatu.

Sesudah al-Shaykh Sabah al-Salam al-Sabah dilantik menjadi Amir, maka al-Shaykh Jabir al-Ahmad dilantik menjadi Perdana Menteri. Pada permulaan Jun 1966 tatkala penulis berada di Kuwait al-Shaykh Jabir

al-Ahmad dilantik menjadi Putra Mahkota Kuwait.

Bantuan Kepada Negara-negara Arab:

Almarhum al-Shaykh Abdullah al-Salam al-Sabah telah membuat suatu undang-undang dasar untuk membentuk ekonomi negara-negara Arab dan daripadanya sebuah fund diadakan untuk bantuan-bantuan pembangunan ekonomi itu dengan memberi pinjaman jangka panjang kepada mereka berhubung rapat dengan negara-negara Arab yang lainnya. Hingga tahun 1965 Kerajaan Kuwait telah meminjamkan wang sebanyak 37,800,000 dinar (£37,800,000 sterling) kepada usaha-usaha pembangunan sepuluh buah perusahaan- daripada negeri-negeri Sudan, Jordan, Tunis, Algeria dan Republik Arab Bersatu. Kerajaan Yaman sedang mengemukakan pemerintahannya.

Kata-kata Hikmah

Berpegang teguhlah kamu sekalian dengan agama Allah dan jangan sekali-kali kamu berpecah-belah - al-Qur'ān

* * *

Waktu itu seperti pedang, kalau kamu tidak memotongnya terlebih dahulu, nescaya ia akan memotong kamu. - Syair Arab.

* * *

Tidak ada ketumpahan bagi sebuah bejana yang boleh menahan isinya, dan tidak ada keburukan bagi seorang manusia yang boleh menahan rahsia hatinya- Muawiyah bin Abu Sufian

* * *

Apabila engkau terpuji dan tercinta pada sisi manusia, pada hal engkau dalam keadaan fakir miskin, yang demikian itu lebih baik daripada engkau dibenci orang pada hal engkau dalam keadaan kaya raya - Ibnu Abbas.

* * *

Alangkah buruknya kepapaan. Kalau saya mengadu saya malu, kalau saya diamkan saya binasa.- Saiyidina Ali

* * *

Apabila engkau menuntut kemuliaan, maka tuntutanlah dengan secara taat, dan apabila engkau menuntut kekayaan maka tuntutanlah dengan secara tidak haloba.

Umar bin al-Khattab

* * *

Bersahabat dengan orang yang jahat itu ibarat berperahu di tengah lautan. Sungguhpun engkau boleh selamat daripada tenggelam, tetapi engkau tidak boleh selamat daripada perasaan takut - Muslim.



Suatu pemandangan di tengah-tengah bandar Kuwait di jalan Fahd al-Salim Street.